

Llaqtay puyus katatachkan
 warmikunapa llaki puyu sonqonwan tupaykuspa.
 ¡Ama katataychu, llaki,
 kunturpa sombranmi hamuykuchkan!
 –Imapaqmi hamun chay sombra
 aukikunapa sutinpichu
 icha Jesus yawarninpa kamachisqanchu.
 Manchakunin, taytallay.
 –Ama katataychu;
 manan yawarchu
 manan auki wamanichu;
 Intipa kanchariyninmi kuntur rapranpi hamuchkan.
 –Manchakunin, taytay.
 Intiqa kañanmi, uywakunata, kausayta.
 Orqokunapis, may sacha sachakunapis,
 yarqasqa machaqway, Intip churin.
 –Manan Intichu, sonqonpa kusi, qapaq kanchariynillanmi
 kunturpa sombra ñawinpi hamuchkan.
 Manan Intichu; kanchariynillanmi.
 ¡Sayay, sayariy! Chay mana chanin kunturpa ñawinta
 chaskiy; katatay paywan.
 Hatun yunka sachakuna hina, kuyuy,
 qapariyta kachaykuy.
 ¡Huñunakuychik, llaqtay runa,
 kanchiriywan katataychik!
 Amaru yawarta upyaychik;
 rauraq yawarqa kunturpa ñawinman chayanmi,
 cieluta huntanmi, tusuchinmi,
 qaparichinmi, chay qori yawar.
 Paqariy, taytay, vida, runachallay runa,
 ancha kuyana.

